

疏君子者謂人主也言其志可以看人子  
物故云君子輜屏車也重者是輕者原也  
此舉喻也言人君常守重靜猶知所為之  
不離輜重行者若失輜重則無所取給必  
遺凍餒人君若好輕躁則臣下離散必生  
禍患故云終日行不離輜重

雖有榮觀燕處超然

疏夫人君好重靜則百姓不煩勞若登高  
臺泛深池撞鐘舞女以為榮觀則人力凋  
盡亂亡斯作故戒云雖有榮觀當須燕爾

安處超然速離而不顧也

奈何萬乘之主而以身輕天下

疏天子提封百萬井出賦六十四萬井出  
戎馬百萬足兵車萬乘故云萬乘之主奈  
何者傷歎之辭也天下者大寶之位也夫  
萬乘之主四海必同當令子孫千億本枝  
百代善建則無為惟化善抱則有截歸仁  
奈何承此重器耽樂是從以身充欲論昏  
以敗是以一身之欲而輕大寶之位甚可  
傷歎故曰奈何

輕則失臣躁則失君

疏夫君多輕易必煩擾煩擾則人散誰與  
為臣故云輕則失臣此戒人君也為人臣  
者當量能受爵無速官諂若矯迹干祿飾  
詐析榮躁求若斯禍敗尋至坐招竄殛焉  
得事君故云躁則失君此申戒人臣也

唐玄宗御製道德真經疏卷之三

唐玄宗御製道德真經疏卷之四

善行無轍迹章第二十七

疏此明法性清淨也行謂修行也法性清  
淨是曰重玄雖藉勤行必須無著次來次  
滅雖行無行相與道合故云善行能如此  
則空有一齊境心俱淨欲求轍迹不亦難  
乎故云善行無轍迹

善行無轍迹

善言無瑕譴

疏此明善行之人不滯言教也瑕病也譴  
責也言謂教也夫善行無迹則能了言教  
不為執滯於言忘言是善言也能如此遺  
象存意理照言忘於彼言教一無病責故  
云善言無瑕譴

善計者不用善算  
疏此明言教無滯則不異門也夫執言滯  
行辯是與非適令巧曆亦不能計若能了

諸法皆方便門究竟清淨不生他見則無  
勞籌策算數自能深入一乘善計若斯何  
勞籌算故云善計者不用籌算

善閉者無關捷而不可開  
疏云此明不計異門則欲心自閉也橫曰

關豎曰捷夫善行善閉不執不滯則心服  
清淨境塵不起故云善閉雖無關捷其可  
開乎故云善閉無關捷而不可開

善結者無繩約而不可解  
疏此明善閉之人心與道合也結繫也繩

索也約束也解散也夫坐忘遺照深契道  
源於諸法中盡能不滯繫心於此故云善  
結夫用繩約者繩散則約解以道結者心  
靜則道冥適使萬緣盡與終能一無所染  
雖無繩索約束豈可解而散乎故云善結

無繩約而不可解

是以聖人常善救人故無棄人

疏是以者引下以明上也言聖人心雖疑  
寂教則流通故常用善能以救人必令釋  
然而達解大慈平等無所偏隔凡是於人

盡皆善誘故云常善救人故無棄人  
常善救物故無棄物

疏物者通有識無識也救人善教故不棄  
人救物善心亦無棄物今動植咸遂無有  
天傷者故云常善救物故無棄物

是謂襲明

疏襲密用也明了悟之善行救人在於忘  
遺若滯教矜有轍迹必存故雖常救人終  
使慧心無滯如此密用則悟了故云是謂  
襲明

故善人者不善人之師

疏師法也夫善人者離諸愛染則心清淨  
於法無滯則教圓通取喻於水物來斯鑒  
所鑒者則形而有象能鑒者見象而無心  
善人正慧若斯故可為不善人之師法也

不善人善人之資

疏資取也夫火有炎寒者附之聞道勤行  
必資宗匠既說先生之善須伏弟子之勞  
則不善之人善人可取以役使爾  
不貴其師不愛其資雖知大迷是謂要妙

疏夫初地進修兩存學相未能忘教故貴  
愛師資若能了其行門則學無所學師資  
之名既去貴愛之字不存然此章大宗教  
之志遺語以漸頓不無階級論其造極是  
法都空故前舉為師為資示進修之路後

云不貴不愛尊悟證之門則明所以貴師  
為存學相學相既空自無所貴所以愛資  
為存教相於教兼忘故不愛資相忘江湖  
自無濡沫乍聞斯道凡俗不悟執學滯教  
則必以為大迷故老君格量云雖知凡俗

以為大迷於道而論是謂要妙也

知其雄章第二十八前章明行言不  
人此章明雌居為行常德於焉復據  
首標知雄等三股明修行則漸進於  
極次云搜散下兩句示造極則必有  
成終云大制一句論聖功之御用以  
結成其  
果旨

知其雄守其雌為天下竅

疏知辯識也雄剛躁也雌柔靜也夫物貴  
全和法求中道雄則過亢雌則卑弱俱未  
適中於善行必當緣篤以為經故知其雄  
躁則當守其雌靜守其雌靜亦當知其雄

疎知雄守雌則可知雄守雌則敗敗則妨  
行故特戒守雌素能守雌素是謂謙德物  
所歸往如水歸於下爾雅曰水注川曰谿  
為天下谿常德不離復歸於嬰兒

疏知雄守雌是為善行物所歸往為天下  
谿能如此者則真常之德會不離散常德  
不散即是全和全和之人少私寡欲泊然  
未兆乃如嬰兒故云復歸於嬰兒也

知其白守其黑為天下式  
疏白昭明也黑暗昧也式法也夫能守雌  
靜則德行昭明德雖昭明不以矜物當如  
暗昧自守淳和能如此則可為天下之法  
式矣

為天下式常德不忒復歸於無極  
疏忒差忒也極窮極也知白守黑是謂德  
全德全之人可為天下法式則真常之道  
隨應而用應無差忒用亦不窮故云復歸  
於無極

知其榮守其辱為天下谷  
疏榮尊榮也辱卑辱也夫為天下法式則

其德尊榮德雖尊榮常守卑辱以和為量  
無不舍容如彼空谷物來斯應故云為天  
下谷

為天下谷常德乃足復歸於樸

疏樸道也虛受應物如彼谷神真常之德  
是乃圓足足則復歸於樸爾夫道為德體  
德為道用語其用則云常德乃足論其體  
則云復歸於樸歸樸則妙本清淨常德則  
應用無窮非天下之至通其孰能與於此  
者

樸散則為器聖人用之則為官長  
疏器形器也自知雄已下論修性反德則  
復歸於道此云樸散為器者明德全合道  
即能應用應用迹履涉於形器故云樸散  
則為器也既涉形器其材用必有精麤故  
凡人用之適能獨全淳樸聖人弘濟則為  
群材之官長爾

故大制不割  
疏此明聖人用道也夫聖人德全大制群  
有法乾坤之施灑雨露之恩各暢其和不

知其力今動植之物咸遂生成會不割傷  
以為已用故云大制不割

將欲取天下章第二十九  
德必歸於樸此章明於執則失神器  
故不可為首標將欲下六句明實位  
之有所表以戒表亂之臣執者失之  
一勿亦履數之不于常將警昏迷之

將欲取天下而為之吾見其不得已  
主故物下攝物倚伏之數長  
以聖人下戒人君甚泰之尤

疏天下者大寶之位也夫皇天命帝大制  
群生必待曆數在躬然後君臨萬宇而茲  
亂之賊兇暴之夫將欲以力取天下而為  
之主既誅夷之不暇何天祿之可望故老  
君戒云吾見其如此之人必不得所為之  
事已語助也

天下神器不可為也為者敗之  
疏天下大寶之位所以不可力為也者為  
是天地神明之器將以永終聖德之君而  
今流布愷悌之化豈使兇暴之夫力為而  
得毒螫天下乎是知必不可為為亦必敗  
此戒姦亂之賊臣也

執者失之

疏人君者或撥亂反正或繼體守文皆將昭德塞違恤隱求瘼若執有斯位凌虐神主坐令國亂無象遂使天道禍淫神怒人怨是生災瀾亂離斯作誰來為君當失斯位矣此戒帝王也

故物或行或隨或响或吹或強或贏或戴或

疏此明凡物不常事亦倚伏也响暖氣也吹寒氣也強壯也贏弱也戴事也壞壞也且夫為之則敗執之則失亦如凡物或行之於前或隨之於後或响之使暖或吹之使寒或有扶持使強或抑損之令弱或有引而戴事或推之而壞壞且同糾纏不可准繩唯當以欲從人方可樂推而不厭爾是以聖人去甚去奢去泰

疏是以理天下之聖人觀行隨之不常知於執之必失故約已檢身割貪制欲去造作之甚者去服玩之奢者去情欲之泰者論名數且為三日微其實乃同其一條甚奢泰者皆過分爾

以道佐人主者不以兵強天下其事好還  
以道佐人主章第三十前章明於執其去者去泰此章明於強好還不以兵強其於我首云以道成臣強好還不可輔佐師之所處下不明好兵則必致不詳故善者下亦不得已而方用物壯下結特強

疏以用也佐輔也還報也言為人臣者當用道化無為輔佐人主致君堯舜是曰股肱舞干羽於兩階修文德於四海令執大象而天下往太階平而寰宇清若震耀戈甲之威窮黷侵伐之事亢兵以加彼彼必應之其事既好還報則勝負之事誰能預

剋  
師之所處荆棘生焉大軍之後必有凶年  
疏師軍師也又易曰師衆也夫與師動衆則人勞於役行齋居送則妨功害農農事不修故生荆棘大軍之後積費既多和氣致祥兵氣感害水旱相繼稼穡不生故必有凶荒之年以報窮兵之怨爾  
故善者果而已不敢以取強  
疏春秋曰殺敵曰果今明殺敵者今不相

侵止其為暴是知殺敵為果即止敵也老君曰凡事不得已而欲用兵用兵之善但求止殺今不為寇必不以衆暴寡凌人取強取強則事好却還是以戒今不敢故云不敢以取強

果而勿矜果而勿伐果而勿憍  
疏夫用兵之善果於止敵止敵自矜未名善勝故雖止敵慎勿矜誇誇則傷於取功故雖果於止敵戒云勿伐其功伐取其功是則自為憍泰憍泰則樂殺故敗不旋踵此為炯戒可不慎乎  
果而不得已果而勿強

疏夫果於止敵者非好勝而凌人也但前敵來侵事不得已敢去果而不得已已止也用兵應敵是非求勝能如此者勝不恃強故云果而勿強  
物壯則老是謂不道不道早已  
疏凡物壯極則老兵強極則敗故兵之恃強猶物之用壯物用壯適足以速其衰老兵恃強則不可全其善勝茲二事者是謂



不合於道賢臣明主知其不合於道當須  
早止不為故云不道早已已止也

夫佳兵章第三十一前章明強兵好  
戰此章明佳兵物或惡之不可果其好  
用之首則陳戒不祥明有道者不處  
下卑辭以明結以喪禮處之非吉事  
非樂

夫佳兵者不祥之器

疏佳好也兵者韜略之屬也祥善也器材  
器也君子進德修業必慎厥初藏器於身  
俟時而動當遊心道德之園閱思墳誥之  
林使先昭令名開濟成務而乃有以兵謀  
韜略為好者也夫謀略之設以正為奇謀  
兵鈴之書先聲後實皆在乎攻戰殺伐故  
為不善之材器爾  
物或惡之故有道者不處

疏奮德於身是為能事既為不祥之器是  
以凡物高或惡之況有道君子焉肯處身  
於此故云有道者不處  
君子居則貴左用兵則貴右  
疏左陽也右陰也陽好生陰好殺好生故

平居所貴好殺故用兵所貴  
兵者不祥之器非君子之器

疏上文云佳兵者不祥之器所以明用兵  
則尚右而好殺有道者故不處之此云兵  
者不祥之器對結上文文明非君子之器君

子以道德為材器故無不利爾  
不得已而用之恬澹為上

疏夫大德者理化之器兵謀者蓋其輔助  
也故文則經緯天地武則克定禍亂雖天  
生五材廢一不可而武功之用定節制宜  
是知用之有本末行之有逆順皆在乎事  
不得已然後應之謂四夷來侵王師薄伐  
所當示之以恩惠綏之以道德既同蚊蚋  
之螫故無憾怒之心推此而言以恬澹為  
上也

勝而不美而美之者是樂殺人

疏夫不能以德懷來而用兵求戰勝故雖  
克勝猶慙德薄不以為美夫勝必多殺故  
以勝為美者是好樂殺也  
夫樂殺人者不可得志於天下

疏夫天地好生物皆含養仁人者當順天  
德以全濟為務焉可苟逞詐力以快貪殘  
之人人必不附欲求得志不亦難乎故好  
樂殺人即不可得志於天下矣

吉事尚左凶事尚右

疏左陽而生則吉故吉事尚左右陰而殺  
則凶故凶事尚右禮記檀弓曰夫子與門  
人互拱而尚右二三子亦尚右夫子曰二  
三子之嗜學也我則有姊之喪故也二三  
子復尚左

偏將軍處左上將軍處右言以喪禮處之

疏上將軍則專殺故處右偏將為副不  
專殺故處左今左尊而右卑上將軍却居  
右者言用兵之道同於喪禮尚右今上將  
軍居右是以喪禮處置之爾

殺人眾多以悲哀泣之

疏夫戰而求勝必殺人眾多勝而不美故  
悲哀傷泣夫人惟邦本本固邦寧今交戰  
殺之故仁心惻隱為之哀泣不亦宜乎  
戰勝則以喪禮處之

疏夫戰而獲勝勝則受爵武功居右是非  
吉位故云喪禮處之但以戰為不祥之器  
爾亦何必服綴扶杖然後稱之為喪禮乎  
諸注此義者皆云古有斯禮尋闕墳與既  
無所據今所未安故不錄也又引秦伯向  
師而哭者此乃哀敗非戰勝也

道常無名章第三十二 前章明佐兵  
不在此章明侯王守道則萬物自賓  
首標無名將以明道次舉守道而能  
降瑞始制下廣其制  
用常通下將示法威

道常無名

疏應用不窮唯感所適道之常也常在應  
用其應非一故於常無名故云道常無名  
樸雖小天下不敢臣

疏樸妙本也語其通生則謂之道論其精  
一則謂之樸故云小爾而應用正成通生

一切則至大也故無敢以道為臣者爾  
侯王若能守萬物將自賓

疏言侯王若能抱守妙本精一無為無事  
則入挺仰化四海歸仁沐德飲和將自賓  
伏矣

天地相合以降甘露

疏侯王守道以致和平則無凌瀾災害地  
平天成二氣交泰以相和合降灑甘露善  
瑞侯王也  
人莫之令而自均

疏莫無也天降甘露惠施無心人無命今  
自均若一亦如王侯稱物平施無偏無黨  
既惠化而大同自東自西亦何思而不服  
又解云言侯王守道以致善瑞則人自和  
平無煩命令自然均一爾

始制有名名亦既有

疏制御也有名者天下有名之物也既盡  
也言侯王抱守精一則天降善瑞惠化無  
心均平若一如此始能制御有名之物物  
歸有道故有名之物亦盡為侯王所有矣

夫亦將知止知止所以不殆

疏殆危殆也侯王守道而化萬物當自賓  
服則夫有名之物亦將知依止於侯王能  
依止有道之君所以無危殆之事矣故云  
知止所以不殆

譬道之在天下猶川谷之與江海

疏此結侯王守道則天必應之故云譬有  
道之君在理天下陶以仁德則自致太平  
和氣感天天瑞必應猶川谷之水而與江  
海通流爾

知人者智自知者明  
疏知識察也夫心與境合是以生知生知  
之心識察前事是名知法言人役心生智  
知前人之美惡者則俗謂之智爾若反照  
內察無聽以心了心觀心不生知法能如  
此者是謂明了故云知人者智自知者明  
勝人者有力自勝者強

疏勝人者謂以權勢制勝於人如此之人  
適可謂之有力爾自勝者自能制勝其心  
使心柔弱柔弱之道物不能加故可全其  
強爾故下經云守柔曰強又曰柔勝強故  
曰自勝者強

知人者智自知者明  
疏知識察也夫心與境合是以生知生知  
之心識察前事是名知法言人役心生智  
知前人之美惡者則俗謂之智爾若反照  
內察無聽以心了心觀心不生知法能如  
此者是謂明了故云知人者智自知者明  
勝人者有力自勝者強

知足者富強行者有志

疏知足在心心若知足則無貪求雜食  
飲飲傲然自足可謂富矣強勉力行曾不  
懈怠自知自勝終久不渝可謂有志即矣  
不失其所者久

疏知足強力等行人所常行若不夫其所  
恒即是久能行道者矣又解勤不失所者  
則可以長久  
死而不亡者壽

疏死者分理之終亡者天枉之較壽者一  
期之盡言委順得常不失天理頽然任化  
而去者得一期之盡可謂壽矣若不報其  
後則生理不全單豹有嬰兒之色張毅有  
豐高之貴不終天理焉得謂之壽乎故莊  
子曰天下莫壽於殤子而彭祖為大

大道汎乎章第三十四前章明察服  
有通之君由  
能自勝此章明能成光大之業皆為  
法道忘功首標大道汎乎示左右略  
無封吟次云功成不有明小大難與  
為名是以聖人下舉聖人不貴其身  
以成光  
大之業

大道汎乎其可左右

疏汎乎者無繫之貌也言道之為物非陰  
非陽非柔非剛汎然無繫能應衆象可左  
可右無所偏名故莊子曰夫道未始有封  
萬物恃之以生而不辭功成不名有

疏言天地萬物皆恃賴大道通生之功以  
全其生理而大道化生妙本無心雖則物  
恃以生而道不辭以為勞倦又解云物不  
辭謝於道爾功者生成之功也言大道生  
物之功備成而不以其物為己之有又解  
云道之生物德備功成其功雖成曾不名  
有言忘功也

愛養萬物而不為主常無欲可名於小  
疏此聲解義也云可名於小者言不可名  
小爾夫道生萬物愛養熟成而不為主宰  
於彼萬物常無欲心豈是道之狹小邪故  
云可名於小者言不可名小爾

萬物歸之不為主可名於大  
疏萬物歸之者歸道生成之功也言萬物  
歸道道不為主有此萬物棄而不收豈是  
道不廣大故云可名於大爾言不可名大

道爾既云可左可右所以非小非大非小  
非大固難與為名注云有萬不同者莊子  
文也

是以聖人終不為大故能成其大  
疏言理天下之聖人布德施惠淳風偃化  
物遂生成法道忘功不自為尊大故能成  
其光大之業爾

唐玄宗御製道德真經疏卷之四